

# NODA CAKACAKA VAKAITALATALA

## TISEBA 2013

### MACAWA E TEKIVU ENA 9 TISEBA

Sere 84 kei na Masu

#### ❑ Vuli iVolatabu ni iVavakoso:

bh wase 15 ¶17-20, ikuri ena t. 219-220 (30 min.)

#### ❑ Koronivuli ni Vuli Vunau:

**Wili iVolatabu:** 1 Joni 1-Juta (10 min.)

**Nb. 1:** 1 Joni 5:1-21 (Me kua ni sivia na 4 na miniti)

**Nb. 2: Na Cava me Nanumi Tiko Baleti Jisu?**  
—Luke 1:32, 33; Joni 17:3 (5 min.)

**Nb. 3: Rawa ni Cicivaki Vinaka Vakacava na Vuvale Vakacobecabe?**—fy wase 11 ¶20-25 kei na kato ena t. 139 (5 min.)

#### ❑ Soqoni ni Cakacaka:

Sere 5

**15 min: Na Koronivuli ni Vuli Vunau ni 2014.** Me vosa na ivakatawa ni koronivuli. Vakamacalatako eso na tikina e vakabibitaki ena ituvatava ni 2014 e ganita na ivavakoso. Vakamacalatako tale ga ke yavutaki na itavi ni veitikina bibi mai na imatai ni vica na wase ni iVolatabu, na tacida e lesi ena itavi qori ena sega ni yavutaka nona ivakamacala mai na ivola “All Scripture.” Kena ikuri, na itavi ni Nb. 2 kei na Nb. 3 mo rai ina Reasoning se na Insight, me vakayagataki ga na parakaravu e nakiti me veivosakitaki. Uqeti ira kece na mataveitacini mera vakarautaka vinaka na nodra itavi, mera vakamacala ena veitikina bibi mai na iVolatabu, mera muria tale ga na vakatutu e soli e veimacawa ena ivola Vuli Vunau.

**15 min: “Ka me Caka me Laulau Kina Noda iKaunivosa.”** Veitarotarogi. Me vakatasusuatuki e rua na ikaunivosa me soli kina na ivola Kaya na iVolatabu, na kena imatai e sega ni laulau, kena ikarua e laulau.

Sere 60 kei na Masu

### Ka me Caka me Laulau Kina Noda iKaunivosa

<sup>1</sup> Ni bera nida kana, eso na gauna eda dau kania vakalalai eso na ka me rawa nida vakanimata ena kakana ena muri mai. Ni vakarautaki vinaka tale ga na ikaunivosa e rawa sara ga ni dolava na sala me veivosakitaki vinaka kina na iVolatabu. Na ikauni-

1. Na cava e bibi kina me vakarautaki vinaka na ikaunivosa?

vosa e laulau ena rairai duidui na kena balavu kei na ka e vakamacalataki kina, ia me vaka ga na kakana taleitaki, e vinakati meda dau vakasamataka vakavinaka e liu da qai vakavakarau vinaka. (Vbai. 15:28) Na cava meda cakava me laulau kina na ikaunivosa?

#### 2 Digitaka na Ulutaga era Kauai Kina e Levu:

Na noda ikaunivosa e dodonu me uqeti ira na itaukeinivale mera vakarorogo, ke sega era na tinia na veivasaki. Ni o vakavakarau tiko, vakasamataka na ka era kauaitaka vakalevu na lewenivanua. Vakacava era vinakata me dua na matanitu vinaka, me marau nodra vuuale, se me otu na ivalu? Era dau vinakata na lewenivanua mera talaucaka na lomadra, vakarautaka gona e dua na taro ena uqeti ira mera vakamacala. Vakacava mo muria na vakatutu ni ikaunivosa ena Noda Cakacaka Vakaitalatala qai moica me ganita nomu yalava? Vakacava mo dou vakatovotovotaka ena so na gauna na ikaunivosa ena nomudou Sokalou Vakavuuale?

#### 3 Vakasamataka na iTovo Vakavanua kei na so Tale na ka era Kilai Kina:

Eso na vanua e kena ivakarau meda vakamacalatako sara ga e liu na inaki ni noda veisiko. Eso tale na vanua, e okati me veibeci ke sega ni taroga e liu o koya e veisiko yani ke ratou bulabula vinaka tiko na itaukeinivale, de dua ena vinakati tale ga me vakamacalataki koya. Eso na vanua, na lotu e lewena e dua e vakarawarawatako noda vakayagataki na iVolatabu ena noda ikaunivosa. (Caka. 2:14-17) Ke ra mani sega ni lotu vaKarisito, se ra sega ni lewena e dua na matalotu, e rairai ka vakayalomatua meda qai veivosakitaka na iVolatabu nida veisikovi lesu, me kua ga ena imatai ni gauna eda veisiko yani kina.—Caka. 17:22-31.

**4 Nomu iTekitekivu ni Vosa:** Vakarautaka vinaka na itekitekivu ni nomu vosa. Me leleka ga nomu yatuvesa qai rawarawa. E bibi tale ga na itau-tau ni nomu vosa. Me bulabula. Me kila o itaukeinivale ni o kauaitaki koya dina, me laurai sara ga qori e matamu. Ni o muria na vakatutu kece qori ena vukei iko mo vakarautaka na ikaunivosa taleitaki me uqeti ira ena yalava mera mai kana ena “teveli i Jiova.”—1 Kor. 10:21.

2. Eda na vakarautaka vakacava noda ikaunivosa me uqeti ira na itaukeinivale mera vakarorogo?

3. Eda na vakarautaka vakacava noda ikaunivosa me ganita na itovo vakavanua kei na ka era kilai kina o ira na tiko ena yalava?

4. Na cava meda kauaitaka ena itekitekivu ni noda ikaunivosa?

## MACAWA E TEKIVU ENA 16 TISEBA

Sere 116 kei na Masu

### ❑ Vuli iVolatabu ni iVavakoso:

*bh* wase 16 ¶1-8 (30 min.)

### ❑ Koronivuli ni Vuli Vunau:

**Wili iVolatabu:** Vakatakilila 1-6 (10 min.)

**Nb. 1:** Vakatakilila 3:14-4:8 (Me kua ni sivia na 4 na miniti)

**Nb. 2:** Na Leqa ni Domoni ni iYau—fy wase 11 ¶26-28 (5 min.)

**Nb. 3:** Sala Cava e “iVakaraitaki” Kina o Jisu Vei Ira Nona iMuri?—Joni 13:15 (5 min.)

### ❑ Soqoni ni Cakacaka:

Sere 44

**10 min:** Veisoliyaki ni Tikiidua ni *iTukutuku ni Matanitu* Nb. 38. Me kacivaki na ka sa cakava tiko na ivavakoso me baleta na veisoliyaki ni tikiidua *iTukutuku ni Matanitu* Nb. 38.

**10 min:** Mera Vakacaucautaki Jiova na *iTabagone*. (Same 148:12, 13) Vakataroga e rua se tolu na itabagone ivakaraitaki vinaka. Na cava e sotavi e koronivuli e vakatovolei kina nodratou vakabauta? E vuksi ratou vakacava nodratou itubutubu kei na so tale me ratou dei ena ituvaki qori? Na cava e vakadoudoutaki ratou me ratou tukuna na nodratou vakabauta? Sureti ratou me ratou tukuna e dua na ituvaki e sotavi.

**10 min:** “Vakatotomuria na iVakaraitaki i Osea.” Veitarotarogi.

Sere 75 kei na Masu

## Vakatotomuria na iVakaraitaki i Osea

<sup>1</sup> ‘Na cava au na bolea meu vakuai au kina ena vuku i Jiova?’ De dua o dau taroga qori ni o vakasamataka vakatitobu na levu ni nona yalololoma kei na nona vinaka. (Same 103:2-4; 116:12) E yalorawarawa o Osea me vakayacora na veika e vakarota vua o Jiova, dina ni gadrevi me vakuai koya ena so na ka. Eda na vakatotomuri Osea vakacava?

1. Na taro cava o rairai dau taroga?

<sup>2</sup> **Vunau ena Veigauna Ca:** Na itukutuku a kacivaka o Osea e vakatabakidua sara ga ina tini na yavusa e Isireli, qo na vanua sa voleka ni kawaboko kina na sokalou dina. O Tui Jeropoami II e cakava na veika ca ena mata i Jiova qai tomana na kena sokaloutaki na luve ni bulumakau matakau a vakaduria o Jeropoami I. (2 Tui 14:23, 24) O ira na tui era veiliutaki tarava era vakaleqa tale ga na bula vakayalo ena tini na yavusa kei Isireli me yacova nira sa vakarusai ena 740 B.S.K. A takalevu na sokalou lasu, ia e yalodina tiko ga o Osea ena nona veiqraravi vakaparofita me rauta ni 59 na yabaki. Vakacava eda rawa tale ga ni gumatua meda vunau e veiyabaki, dina nida tusaqati se nira sega ni kauai e levu?—2 Tim. 4:2.

<sup>3</sup> **Vakasamataka na Yalololoma i Jiova:** A vakaroti Osea o Jiova me vakawatitaka e dua na “yalewa dautagane.” (Osea 1:2) A bukete na watina o Komera, e dua kina na luvena tagane, e muri a qai rua na luvena mai tuba. Nona yalorawarawa o Osea me vosoti watina, e vakaraitaka na levu ni nona lomani ira na Isireli murilomadra o Jiova nira veivutuni. (Osea 3:1; Roma 9:22-26) Vakacava eda rawa ni yalorawarawa meda kua ni nanumi keda ga, me vakatalikai kina na yalololoma i Jiova vei ira na matamatata kece?—1 Kor. 9:19-23.

<sup>4</sup> Eso na dauveiqraravi i Jiova era vakuai ira mai na cakacaka saulevu me levu kina nodra gauna ena cakacaka vakaitalatala. Eso era sega ni via vakawati se vakaloveni nira via vaka-liuca na veika me baleta na Matanitu ni Kalou. Nida vakasamataka na veika e sotava o Osea, eda na rairai kaya, ‘Au na sega tu ga ni rawata na ka e cakava o koya.’ Ia nida vakavinavinkataka vakalevu na yalololoma i Jiova da qai nuitaka na yalona tabu me vakaukauataki keda, ena rairai vakayagataki keda o koya ena sala eda sega ni tadrā vakadua, me vakataki Osea.—Maciu 19:26; Fpai. 2:13.

2. Eda na vakatotomuria vakacava na ivakaraitaki vinaka i Osea ena nona gumatua ena vunau?
3. E laurai vakacava na yalololoma i Jiova ena ivakarau ni bula i Osea?
4. Na cava eso na ka eda rawa ni vakuai keda kina ena vuku i Jiova?

## MACAWA E TEKIVU ENA 23 TISEBA

Sere 127 kei na Masu

### ❑ Vuli iVolatabu ni Vuli ni iVavakoso:

*bh* wase 16 ¶9-10, ikuri ena t. 221-223  
(30 min.)

### ❑ Koronivuli ni Vuli Vunau:

**Wili iVolatabu:** Vakatakilila 7-14 (10 min.)

**Nb. 1:** Vakatakilila 9:1-21 (Me kua ni sivia na 4 na miniti)

**Nb. 2:** Sala era na Vakaraitaka Kina na Veikauaitaki Dina na Lotu vaKarisito Dina –lper. 13:2 (5 min.)

**Nb. 3:** Ena Tara Vakacava na Bula ni Vuvale na Daugunu?—fy wase 12 ¶1-4 (5 min.)

### ❑ Soqoni ni Cakacaka:

Sere 124

**10 min:** Na iVola me Soli ena Janueri kei na Feperueri. Mera vakaitavi na vakarorogo. Vakamacalataka eso na ulutaga mai na ivola ena soli tiko, me rua na kena vakatasuasua.

**20 min:** “Vukei Ira na se Segni Ganiti Ira na Kaya na iVolatabu.” Veitarotarogi. Me qai dua na vakatasuasua ena vakatutu e toka ena tabana e 6.

Sere 46 kei na Masu

bauta na Kalou ena vuku ni veika tawadodonu e vuravura se na veivakaisini i lotu? Vakacava e cavutu mai na dua na vanua e vakatabui kina na qaravi Kalou? De dua e sega sara ni cakitaka ni bula dina tiko na Kalou, ia e sega ga ni tiko e dua na vuna me vakabauta kina na Kalou. Era raica e levu na dautukutuku ni nodra taroga qo, “E dau va tu ga qori nomuni rai?” e rawa kina nira vakamacala na itaukeinivale. Vakarorogo qai kua ni vosa takoso. Nida sa kila na *vuna* e sega ni vakabauta kina na Kalou e dua, eda na qai kila na *ka* meda tukuna kei na ivola meda solia.—Vbai. 18:13.

<sup>3</sup> Ni o sauma tiko nodra taro, qarauna me kua ni laurai ena nomu vosa ni o vakalewa nona ivakarau ni rai. Qo na vakatutu mai Merika: “E bibi meda doka na nodra dodonu na tamata yadua, vakabibi ena ka e vauca nodra vakabauta. Eda na sega ni saga meda usuraka noda nanuma me rawa nira duavata kei keda, e vinaka meda taroga eso na taro me rawa kina ni vakasama o itaukeinivale, me lewa vakataki koya se cava e dodonu me caka.” Ni rogoca oti e dua na ivakatawa daveilakoyaki nona talaucaka na lomana e dua na itaukeinivale, e dau taroga lesu, “Vakacava o bau vakasamataku tu ni rawa ni yaco qori?”

<sup>4</sup> Levu era lotu Buddha e ka vou vei ira na veika e baleta na Kalou. So na dautukutuku e Peritania era taleitaka mera vakayagataka vei ira qori na brochure *Lasting Peace and Happiness—How to Find Them*. Ni veivosakitaki oti na ikau, era na dikeva sara na ulutaga “Is There Really a Most High Creator?” kei na “A Guidebook for the Blessing of All Mankind.” Ni oti qori, sa rawa nira vakayagataka na *Kaya na iVolatabu* ra qai tukuna vei ira na itaukeinivale, “Ke o sega mada ga ni vakabauta na Kalou, ena vukei iko nomu vulica na iVolatabu ni tiko kina e levu na ivakasala yaga.” Dua na tacida mai Merika e veiqraravi tiko ena ivavakoso vakaJaina, e kaya: “Levu ena yalava era taleitaka na wilivola. Era dau wilika kece na lewenivola ni bera ni keitou lesu yani. Ia era na rairai sega ni kila na veika e vauca na vuli iVolatabu. Au dau taleitaka gona meu solia na brochure na *iTukutuku Vinaka* ena imatai ni gauna baleta ni volai sara ga me uqeta na veivosaki.” E tukuna e dua na ivakatawa ni tabacakacaka e veiqraravi tiko ena vosa vakaJaina e Merika, ni rawa ni vaka—

## Vukei Ira na se Segni Ganiti Ira na Kaya na iVolatabu

<sup>1</sup> Me rawa ni daveiqraravi ni Kalou e dua, e dodonu me vulica na ka e kaya na iVolatabu. Ia eso era sega ni lotu vaKarisito, era sega ni vakabauta me Vosa ni Kalou na iVolatabu. So tale era sega sara ga ni vakabauta na Kalou ra qai sega ni doka na iVolatabu. Ia na cava eda rawa ni vakayagataka vei ira era sega ni taleitaka ena imatai ni gauna na ivola *Kaya na iVolatabu*? Ena veivosakitaki tiko na nodra ivakamacala na dautukutuku mai na 20 na vanua.

<sup>2</sup> **Ira na Segni Vakabauta na Kalou:** Ke dua e kaya ni sega ni vakabauta na Kalou, ena yaga meda kila na vuna e va kina qori nona rai. Vakacava e va qori nona rai baleta ni vakabauta na bula vakaidewadewa? Sa sega beka ni vaka—

1. Vakacava era na taleitaka kece na lewenivanua na ivola na *Kaya na iVolatabu*? Vakamacalataka.

2. Ke dua e tukuna ni sega ni vakabauta na Kalou, na cava meda saga meda kila, cava e bibi kina qori?

3. Eda na vakaraitaka vakacava nida dokai ira na itaukeinivale kei na nodra vakabauta?

4. Eda na vukei ira vakacava era lotu Buddha?

yagataki na *Kaya na iVolatabu* ena imatai ni gauna. Ia ena rairai veiganiti me tekivu na vuli ena wase 2 ni vakamacalataki kina na *iVolatabu*, me kua na wase 1, ni vakamacalataki kina na Kalou.

<sup>5</sup> E taura na gauna me qai tekivu vakabauta na Kalou e dua, ena vinakati kina na vosovoso. Nida veivosaki ena imatai ni gauna kei na dua, ena rairai sega ni uqeti koya me vakabauta ni bula dina tiko e dua na Dauveibuli. De dua ni toso na gauna ena lai nanuma ni *rawa* qori, se ena rairai tukuna ni sa kila na vuna e va kina ya nodra vakabauta eso.

**<sup>6</sup> Ira na Segni Kauai se Segni Vakabauta na iVolatabu:** E levu era rairai vakabauta ni tiko na Kalou, ia era sega ni kauaitaka na ivakavuvuli vakaivolatabu nira sega ni vakabauta me Vosa ni Kalou. De dua e tiko ena vanua e sega kina na lotu vaKarisito, qai raica ni sema vei Lotu ni Veivanua vaKarisito na *iVolatabu*. Se rairai vakaitikotiko ena vanua era tiko kina na lotu vaKarisito, ia e sega ni kauaitaki vakalevu kina na ka vakayalo, ena rairai nanuma ni sega ni yaga vua na *iVolatabu*. Eda na vuksi ira vakacava mera tekivu taleitaka na *iVolatabu* ra qai lai vulica sara na ivola *Kaya na iVolatabu*?

<sup>7</sup> E ripotetaki ena valenivolavola ni tabana e Kirisi: “Na sala vinaka duadua meda vuksi ira kina era sega ni dau kauaitaka na *iVolatabu* oya meda vakayagataka na *iVolatabu* da qai vakaraitaka vei ira na ka e volai tu

- 
5. Na cava e bibi kina na vosovoso?
  6. Na cava era na rairai sega ni kauaitaka kina na *iVolatabu* eso?
  7. Na cava e dua na sala vinaka meda uqeti ira kina na lewenivanua mera kauaitaka na *iVolatabu*?

## Na Irogo

**■ Ositerelia:** O John e dua na turaga vuli vinaka, e dau lai lotu ni se gone, ia ni toso na gauna e “kaukaua sara nona vakabauta ni sega ni bula tiko na Kalou.” Dua na painia a solia vua na brochure *Was Life Created?*, solia tale ga vua na brochure *Origin of Life* ena veisiko tarava. E saga toka ga na painia me bucina o John na yalo ni tataleitaki ena nona sega ni cegu ni solia na mekesini vovou kei na kena e tiko kina na ulutaga me baleta na bulibuli kei na parofisai vakaivolatabu. Ena gauna sa kila kina ni sa veisau na rai nei John, a solia sara vua na ivola *The Bible—God’s Word or Man’s?* Ni wilika otí qori, e veisau

## Ke tukuna e dua na itaukeinivale ni sega ni vakabauta na Kalou, tovolea mada qo:

- Taroga, “Vakacava e dau va tu ga qori nomu ni rai?” mo rawa ni kila kina na vuna.
- Ke lotu Buddha, vakayagataka na brochure *Lasting Peace and Happiness—How to Find Them*, ena tabana e 9-12.
- Ke vakabauta na bula vakaidewadewa, qo eso na ulutaga ena rawa ni vevuke:

*Na Yadra!* ena ulutaga “Buli se Bula Vakaidewadewa?”

*Na video The Wonders of Creation Reveal God’s Glory*

*Na brochure na Satisfying Life—How to Attain It*, wase 4; *Was Life Created?*; kei na *The Origin of Life—Five Questions Worth Asking*

- Ke sa sega ni vakabauta na Kalou e dua ena vuku ni veika tawadodonu e yaco se veika rarawataki, qo na ivola e rawa ni vakayagataki:

*Na ivola Is There a Creator Who Cares About You?*, wase 10

*Na brochure Does God Really Care About Us?*, wase 6, kei na *What Is the Purpose of Life?*, wase 6

- Dewa totolo sara ina ivola *Kaya na iVolatabu* ena gauna ga e vakabauta kina na itaukeinivale ni rairai bula dina tiko na Kalou. Ena rairai vinaka me tekivu na vuli ena wase 2 se dua tale na ulutaga e veiganiti kei itaukeinivale.

na rai nei John, e liu a vakabauta tu ni dredre nona kilai ke bula dina tiko na Kalou, ia qo sa sega so ni va ya. Sa qai vakaraitaka sara vua na painia na ivola *Kaya na iVolatabu* ena nona vakaraitaka vei John na parakaravu e 8 ena tabana e 20 kei na parakaravu e 13-16 ena tabana e 23-24. E taleitaka vakalevu o John na tikanivolatabu era sega ni lavetaki, e tukuna kina “De dua meu raica tale mada na *iVolatabu*.”

**■ Mexico:** E tukuna e dua na turaga vua e dua na tacida ni sega ni vakabauta ni uqeti vakalou na *iVolatabu*. E tukuna sara na tacida ni na vakadindinataka vua ni uqeti vakalou. Ni oti nodrau veivosaki, e tarai koya na turaga qori na ka e vulica ena *iVolatabu*. E uqeti koya vakalevu na nona vuli-

## Tovolea mada qo ke sega ni vakabauta na iVolatabu na itaukeinivale:

- Dikeva na wase 17 kei na 18 ena ivola *Life—How Did It Get Here? By Evolution or by Creation?*
- Vei ira na lotu Idu, vakayagataka na brochure *Why Should We Worship God in Love and Truth?*
- Vei ira na Jiu, vakayagataka na brochure *Will There Ever Be a World Without War?*, tabana e 3-11.
- Vakamacalataka na yaga ni kena muri na ivakavuvuli vakaivolatabu. Qo na ivola o rawa ni vakayagataka mo vakaraitaka kina vua e dua na yaga ni ivakavuvuli vakaivolatabu:

Na *Yadra!* ena ulutaga “iVakasala ina Vuvale”

Na vidio *The Bible—Its Power in Your Life*

Na brochure *iTukutuku Vinaka Mai Vua na Kalou!*, lesoni 9 kei na 11; *Noda iVola Kece*, tabana e 22-26; kei na brochure *A Satisfying Life—How to Attain It*, wase 2

Vei ira na lotu Buddha, vakayagataka na brochure *The Pathway to Peace and Happiness*, tabana e 3-7.

Vei ira na Musilimi, vakayagataka na brochure *Real Faith—Your Key to a Happy Life*, wase 3.

Ke o vunau ena yalava e sega ni taleitaki kina na iVolatabu, ena rairai vinaka me kua ni cavuti na tikinivolatabu kei na vanua e kau mai kina, me qai cavuti ga ni sa ot i vica na veisiko.

- Vakamacalataka na sala sa vakayacori tiko kina na parofisai vakaivolatabu. Qo na ka e rawa ni vakayagataki:

Na vidio *The Bible—Accurate History, Reliable Prophecy*

Na brochure *Noda iVola Kece*, tabana e 27-29

- Ke sa tekivu taroga na ivakavuvuli vakaivolatabu me baleta eso na ulutaga, qori na gauna mo dewa totolo kina ena ivola *Kaya na iVolatabu*.

kina. Era raica e levu na dautukutuku ni uqeta vakalevu na lomadra na tamata na itukutuku ena Vosa ni Kalou, sega so ena ka era tukuna. (Iper. 4:12) Na nodra raica na yaca ni Kalou ena iVolatabu e uqeti ira e levu mera rai ina iVolatabu.” E vola na valenivolavola ni tabana e Idia: “Levu na lotu Idu era dau kauaitaka na ka dina me baleta na bula kei na mate, vaka kina na yalayala ni iVolatabu me baleta na vuravura ena sega kina na veivakaduiduitaki vakamatamata.” Nira vakamacalataka na dautukutuku na leqa e tarai keda tiko, ena rawa kina nira vakaraitaka na ka e tukuna na iVolatabu me baleta na Matanitu ni Kalou me walisa kina na leqa kece qori.

ca na ivakatagedegede ni Kalou. E tukuna sara vua na tacida: “Ni daru se qai wilika na iVolatabu ena imatai ni gauna, na ivakasala era tu kina e rairai vaka ga na kena era tu ena so tale na ivola, qai sega sara ni uqeti au. la niu sa qai mai wilika qo, vakabibi na kena e vauca na itovo savasava, e tarai au sara ga.”

■ **Merika:** Ni rau vunau tiko e matanalevu ena siti e dua na veiwatini, rau sotava sara e dua na marama ni Taiwan e dau vakabauta na Kalou, ia e nanuma ni iVolatabu e baleti ira ga na kai valagi. E marama rawati koya, ia e vakila ni sega ni vakainaki nona bula, a mani gole vei rau na tacida ena vanua e vakaraitaki tu kina na noda ivola ena loma ni siti.

<sup>8</sup> Ke dua e dau raica vakatani na iVolatabu ena vuku ni ka e cakava o Lotu ni Veivanua Vakarisito, mo vakamatatataka vua ni o Lotu ni Veivanua Vakarisito e vakatanitaka na iVolatabu kei na kena ivakavuvuli. E vola na valenivolavola ni tabana e Idia: “Eso na gauna ena vinakati me keimami vakamacalataka vei ira na lewenivanua ni sega ni lewa na iVolatabu na veimatalotu.” Era ripotetaka tale ga nira dau taleitaka na Idu na wase 4 ni brochure *What Is the Purpose of Life? How Can You Find It?*, e

8. Na cava eda rawa ni kaya vua e dua e dau raica vakatani na iVolatabu ena vuku ni ka e cakava o Lotu ni Veivanua Vakarisito?

A nuitaka ni na rawa ni vuksi koya na iVolatabu me vakainaki nona bula. Erau vakavulici koya na veiwatini ena vakayagataki ni ivola *Kaya na iVolatabu* kei na brochure *Lasting Peace and Happiness—How to Find Them*. Eratou sega ni vulica na wase 2 ni ivola, ia eratou veivosakitaka na ulutaga ni brochure “A Guidebook for the Blessing of All Mankind.” Ni veivosakitaki oti na imatai ni ono na parakaravu ena ulutaga ya, e qoroya na marama ya ni duatani na iVolatabu mai na so tale na ivola ni lotu. Ni veivosakitaki na parofisai vakaivolatabu era sa vakayacori oti, e tukuna sara na marama ya, “E sega ni dua tale na ivola au rawa ni vakasamataka me donu me vaka na iVolatabu!”

### **Ke tukuna na itaukeinivale: “Au sega ni vakabauta na Kalou,” o rawa ni kaya:**

- “Rawa niu vakamacalataka vakalekaleka na ka e uqeti *au* meu vakabauta ni tiko e dua na Dauveibuli?” Oti qai vakamacalataka eso na tikina mai na ivola na *Reasoning*, tabana e 84-86, se tuvanaka mo solia vua e dua na ivola o dau taleitaka mo wilika.
- “*La ke tiko e dua na Kalou*, na itovo cava o na vinakata vua?” E levu na itaukeinivale era dau kaya nira via qarava na Kalou dauloloma, lewadodonu, vosovoso vakadede qai sega ni veivakaduiduitaki. Oti qori vakaraitaka mai na iVolatabu ni tiko vua na Kalou na itovo va qori. (Ena rawa sara ga ni vakayagataki na wase 1 ni *Kaya na iVolatabu*, me tekivu ena parakaravu 6.)
- “Levu e va qori nodra rai. Eso era nanuma ni iVolatabu e sega ni ivola vakasaenisi se sa ma-

### **Ke tukuna na itaukeinivale: “Au sega ni vakabauta na iVolatabu,” o rawa ni kaya:**

- “Levu e va qori nodra rai. Eso era nanuma ni iVolatabu e sega ni ivola vakasaenisi se sa ma-
- dra na kena ivakavuvuli. Vakacava o sa bau wilika na iVolatabu? [Waraka me sauma. Vakaraitaka sara vua na ikau ena tabana e 3 ena brochure *Noda iVol Kece*, qai solia sara vua.] Levu era sa sega ni nuitaka na iVolatabu baleta ni sa vakatanitaka o lotu na kena ivakavuvuli. Ena dua tale na gauna, daru qai veivosakitaka e dua na ivakaraitaki ena tabana e 4 kei na 5.”
- “Levu e va tale ga qori nodra rai. Rawa ni vakaraitaka vei iko e dua na ka au qoroya me baleta na iVolatabu? [Wilika Jope 26:7 se Aisea 40:22, e vakamacalataki kina ni iVolatabu e dau volatukutukutaka donu na veika vakasaenisi.] E volai tale ga ena iVolatabu na ivakasala vuku e rawa ni yaga ina vuvale. Ena dua tale na gauna daru qai veivosakitaka e dua na kena ivakaraitaki.”
- “Vinaka ni o tukuna mai qori. Ke vola na Kalou e dua na ivola vei keda na kawatamata, na cava mada o nanuma ni dodonu me laurai ena ivola qori?” Oti vakaraitaka sara vua e dua na ka ena iVolatabu ena duavata kei na nona isaunitaro.

vakamacalataki kina na sala era saga kina na veimatalotu mera vakatanitaka ra qai vakarusa na Vosa ni Kalou. Dua na painia e Brazil e dau tukuna vei ira na lewenivanua: “Vakacava moni vulica eso tale na ka e vakamacalataki ena iVolatabu? E levu era sa cakava tiko qori ia era sega ga ni via lewena e dua na lotu. O na rairai kurabuitaka na ka o vulica.”

<sup>9</sup> O Jiova e raica na ka e tu e lomada. (1 Sam. 16:7; Vkg. 21:2) E vagolei ira tiko mai na yalo-

9. Na cava meda kua kina ni yalolailai ke sega ni kauaitaka e dua ena imatai ni gauna na ivakavuvuli vakolatabu?

■ **Japani:** A tukuna e dua na itaukeinivale vua e dua na tacida ni sega ni vakabauta na Kalou, ia e sega ni cegu na tacida ena nona sikovi koya qai vakamacalataka na ulutaga mai na *Yadra!* na “Bula Vakaidewadewa se Buli?” Ni toso na gauna, e veisau vakamalua na nona rai na turaga ya, sa lai tukuna tale ga ni rawa ni bula dina tiko e dua na Dauveibuli. Nikua, sa qai vakabauta ni bula dina tiko na Kalou, sa vakavulici koya tiko na tacida ena brochure *iTukutuku Vinaka Mai Vua na Kalou!*

■ **Kenada:** Dua na tacida yalewa e solia na mekesini vou vua e dua na marama ni biubiu tiko e vale me gole ena nona motoka. Ni sikovi koya lesu na tacida yalewa, a tukuna sara ga vakadodonu

dra na kena ivakavuvuli. Vakacava o sa bau wilika na iVolatabu? [Waraka me sauma. Vakaraitaka sara vua na ikau ena tabana e 3 ena brochure *Noda iVol Kece*, qai solia sara vua.] Levu era sa sega ni nuitaka na iVolatabu baleta ni sa vakatanitaka o lotu na kena ivakavuvuli. Ena dua tale na gauna, daru qai veivosakitaka e dua na ivakaraitaki ena tabana e 4 kei na 5.”

- dra na kena ivakavuvuli. Vakacava o sa bau wilika na iVolatabu? [Waraka me sauma. Vakaraitaka sara vua na ikau ena tabana e 3 ena brochure *Noda iVol Kece*, qai solia sara vua.] Levu era sa sega ni nuitaka na iVolatabu baleta ni sa vakatanitaka o lotu na kena ivakavuvuli. Ena dua tale na gauna, daru qai veivosakitaka e dua na ivakaraitaki ena tabana e 4 kei na 5.”
- “Levu e va tale ga qori nodra rai. Rawa ni vakaraitaka vei iko e dua na ka au qoroya me baleta na iVolatabu? [Wilika Jope 26:7 se Aisea 40:22, e vakamacalataki kina ni iVolatabu e dau volatukutukutaka donu na veika vakasaenisi.] E volai tale ga ena iVolatabu na ivakasala vuku e rawa ni yaga ina vuvale. Ena dua tale na gauna daru qai veivosakitaka e dua na kena ivakaraitaki.”
- “Vinaka ni o tukuna mai qori. Ke vola na Kalou e dua na ivola vei keda na kawatamata, na cava mada o nanuma ni dodonu me laurai ena ivola qori?” Oti vakaraitaka sara vua e dua na ka ena iVolatabu ena duavata kei na nona isaunitaro.

malumalumu ina sokalou dina. (Joni 6:44) E levu vei ira qori era se sega vakadua ni vakavulici ena dua na ka me baleta na Kalou se lai-lai ga na ka era kila me baleta na iVolatabu. Noda cakacaka vakaitalatala e rawa ni vakavuna mera ‘vakabulai ra qai mai kila na ka dina.’ (1 Tim. 2:4) Koya gona, kua ni yalolailai ke so era sega ni kauaitaka ena imatai ni gauna na ivakavuvuli vakaivolatabu! Vakayagataka e dua na ivola ena nomu vosa mo uqeta e dua me rawa ni tataleitaki. De dua ni toso na gauna o sa na rawa ni vakayagataka na ivola eda dau caka vuli iVolatabu kina, *Na Cava Sara Mada e Kaya na iVolatabu?*

na marama ya ni sega ni via vakarorogo, e sega tale ga ni vakabauta na Kalou. A sega ni soro na tacida yalewa, a nanuma me solia vua na marama ya na brochure *A Satisfying Life—How to Attain It*. Gauna e kila kina na tacida ni sa tiko e vale na marama ya, e gole sara vua qai tukuna ni kila ni sega ni vakabauta na Kalou, ia dua na ka nona nanumi koya baleta ni itubutubu le dua. A vakaraitaka sara vua na tabana e 4 ena parakaravu 6 ni brochure, e vakamacalataki kina na ivakasala yaga vei ira na itubutubu. Oti sa qai uqeti koya me wilika na vakatutu ena leseni 2 me baleta nodra susugi na gone. A marautaka sara na marama ya me taura na brochure.

## MACAWA E TEKIVU ENA 30 TISEBA

Sere 126 kei na Masu

### ❑ Vuli iVolatabu ni iVavakoso:

bh wase 16 ¶11-19 (30 min.)

### ❑ Koronivuli ni Vuli Vunau:

**Wili iVolatabu:** Vakatakila 15-22 (10 min.)

Railesuvi ni Koronivuli ni Vuli Vunau  
(20 min.)

### ❑ Soqoni ni Cakacaka:

Sere 43

**10 min:** "Vukei Ira Mera 'Tudei ena Vakabauta.'" Me dua na vosa. Oti me dua sara na vakatasuasua lekaleka ni vakayagataki na mekesini me tekivutaki kina na vuli iVolatabu ena imatai ni Vakarauwai ena Janueri. Ugeti ira kece na lewe ni ivavakoso mera vakaitavi kina.

**10 min:** Mo Vukea na Luvemu me Dua na Dautukutuku. Me dua na vosa me yavutaki ena ivola na iSogosogo tabana e 81, parakaravu 4, ina tabana e 82, parakaravu 1. Vakataroga e dua na itubutubu ivakaraitaki vinaka e sa dautukutuku bera ni papitaiso o luvema. E vukei luvema vakacava me toso vakayalo me rawata na ivakatagedegede me dua kina na dautukutuku?

**10 min:** Lewe Levu Era Tiko Vata Kei Keda. (2 Tui 6:16) Mera vakaitavi na vakarorogo, me yavutaki ena Yearbook ni 2013, tabana e 48, parakaravu 1-3. Sureti ira na vakarorogo mera vaka-macalataka na ka era vulica.

Sere 119 kei na Masu

## Vukei Ira Mera "Tudei ena Vakabauta"

E vakasakiti dina meda raica na nona vakalou-gatataka tiko o Jiova na nodra kumuni mai na tamata, qo nodra papitaiso e veiyabaki e sivia na 250, 000. (Vkru. 28:2) Ni oti ga nona vukei gone-vuli me papitaiso, sa dau matau ga vei qaseniu-vuli me tinia na nodrau vuli me rawa ni vukea eso tale. De dua ena vinakata tale ga o gone-vuli me tini nodrau vuli me rawa ni vakayagataka e levu na gauna ena cakacaka vakaitalatala. Ia e bibi vei gonevuli me yavutaki vinaka ena ka dina. E bibi 'me ti sara na wakana' vei Karisito me qai "tudei ena vakabauta." (Kolo. 2:6, 7; 2 Tim. 3: 12) Koya gona, ni sa papitaiso oti e dua na gonevuli, e dodonu me tomania tiko ga nona vulica na iVolatabu me yacova ni sa vakaotia ruarua na ivola *Kaya na iVolatabu* kei na "*Loloma ni Kalou.*" —Raica na Noda Cakacaka Vakaitalatala ni Epe-reli 2011, tabana e 2.

## Railesuvi ni Koronivuli ni Vuli Vunau

Ena veivosakitaki na taro era koto qo ena Koronivuli ni Vuli Vunau ena macawa e tekivu ena 30 Tiseba, 2013. Sa volai tale tiko ga na tikinisiga ena veivosakitaki kina na tikinivolatabu meda vakadidike kina nida vakavakarau ena koronivuli e veimacawa.

1. Na cava ena vuksi keda meda yalomalu vei ira na iliiliu? (Taito 3:2) [4 Nov., w03 1/4 t. 25 p. 18-19]
2. Na cava eda rawa ni vulica ena vosa i Paula vei Filimoni e volai ena Filimoni 4, 5, kei na 7? [4 Nov., w08 15/10 t. 31 p. 1, 6]
3. Na cava e kena ibalebale meda curu ena ivakavakacegu ni Kalou? (Iper. 4:9-11) [11 Nov., w11 15/7 t. 28 p. 16, 17]
4. Na cava eda rawa ni vulica vei Samuela, ira na dauveilewai kei na parofita yalodina era "vakadeitaka na ivalavalava dodonu"? (Iper. 11:32, 33) [18 Nov., w11 1/1 t. 25 p. 5, 6]
5. Na cava e vola kina o Jemesa ni "vuku mai cake me savasava mada, me dau veiyaloni"? (Jeme. 3:17) [25 Nov., w11 15/8 t. 30-31 p. 15]
6. O cei o ira "sa mate tu" a 'vunautaki vei ira na itukutuku vinaka'? (1 Pita 4:6) [2 Tis., w08 15/11 t. 21 p. 8]
7. Me vaka e tukuni ena 1 Joni 2:7, 8, na ivakaro cava e tukuna tiko o Joni ni "makawa" kei na kena e "vou"? [9 Tis., w08 15/12 t. 27 p. 6]
8. O cei e kena icavuti "na Alifa kei na Ome-ka" kei "ko koya sa liu sara, ko koya ena muri ["na i matai kei na i otioti," VV]"? (Vkta. 1:8, 17) [16 Tis., w09 15/1 t. 30 p. 6]
9. Sala cava era "dregati" kina vakarua na lotu vaKarisito lumuti? (Vkta. 7:3) [23 Tis., w07 1/1 t. 31 p. 2]
10. Na cava eda vakabauta dei kina ni na yaco dina na veivakalou-gatataka e parofisaitaki tu ni sa veiliutaki na Matanitu ni Kalou? (Vkta. 21:5, 6) [Tis. 30, w09 15/2 t. 5 p. 6]

## MACAWA E TEKIVU ENA 6 JANUERI

Sere 132 kei na Masu

### ❑ Vuli iVolatabu ni iVavakoso:

bh wase 17 ¶1-8 (30 min.)

### ❑ Koronivuli ni Vuli Vunau:

**Wili iVolatabu:** Vakatekivu 1-5 (10 min.)

**Nb. 1:** Vakatekivu 4:1-16 (Me kua ni sivia na 4 na miniti)

**Nb. 2:** Era Gumatua ni Tukuna na Matanitu ni Kalou na Lewe ni Lotu Dina—rs t. 330 ¶1 (5 min.)

**Nb. 3:** Eroni—iVakaraitaki Vinaka Vei Keda na Lotu vaKarisito—It-1 t. 9-10 ¶3 (5 min.)

### ❑ Soqoni ni Cakacaka:

Sere 125

**10 min:** Vakatutu ni Soli ni Mekesini ena Janueri. Mera vakaitavi na vakarorogo. Vakamacalataka ena 30 ina 60 na sekodi na vuna ena taleitaki kina na mekesini ena yalava. Me qaii vakayagataki na imatai ni vica na ulutaga ni Vale ni Vakatawa mera vakatututaka kina na vakarorogo e dua na taro vakavure vakasama kei na tikinivolatabu e rawa ni wiliki. Me caka tale ga qori ena imatai ni vica na ulutaga ni *Yadra!*, e rawa ni vakayagataki e dua tale na ulutaga ni mekesini ke vo na gauna. Me vakatasusuatati na soli ni mekesini ruarua.

**10 min:** Veika e gadrevi ena ivavakoso.

**10 min:** Na Cava Eda Vulica? Mera vakaitavi na vakarorogo. Me wiliki na 1 Korinica 9:19-23. Veivosakitaka na sala e yaga kina na tikinivolatabu qori ena noda cakacaka vakaitalatala.

Sere 7 kei na Masu

## Veika me Kacivaki

■ iVola me soli ena **Tiseba:** Na tikidua na *iTukutuku ni Matanitu* Nb. 38. Ke sa tarai oti na yalava kece qai oti na tikidua *iTukutuku ni Matanitu*, me soli na ivola *Na Cava Sara Mada e Kaya na iVolatabu? Janueri kei na Feperueri 2014: iTukutuku Vinaka Mai Vua na Kalou!*

■ Ena macawa e tekivu ena ika10 ni Maji, 2014, e sa tuvanaki kina meda vulica na ivavakoso vakaviti na brochure *O Cei Era Cakava Tiko Nikua na Loma i Jiova?* Ke sa lailai na brochure ena ivavakoso, me kerei rawa qo.

■ Ena vakayacori na iVakananumi ni **2015** ena ika3 ni Epereli, ena siga Vakarau-buka.

## Vakatutu

### Me Tauyavu Kina na Vuli iVolatabu ena iMatai ni Vakarauwai ena Janueri

“E duidui na ka era nanuma na tamata me baleta na Kalou. Eso era nanuma ni Kalou e vaka e dua na kaukaua vuni. Eso tale era raici koya me Tamada vakalomalagi dauloloma. Vakacava o kemuni, cava oni nanuma me bale-ta na Kalou?” Waraka me sauma. Vakaraitaka na ulutaga ena iotioti ni tabana ni *Vale ni Vakatawa* ni 1 Janueri, qai veivosakitaka na imatai ni taro kei na dua na tikinivolatabu e sega ni lave-taki. Solia na mekesini qai tuvanaka mo lesuvu koya mo drau veivosakitaka na taro tarava.

### NA VALE NI VAKATAWA 1 Janueri KACIVAKA NA MATANITU I JIOVA

“Keimami veivosakitaka tiko mai vakaleka-leka na kena dau tarai keda kece na nona takali e dua eda lomana. Vakacava o vakadinata ni dau dredre meda vosota rawa nona takali e dua na noda itokani voleka se dua na wekada? [Waraka me sauma.] E levu era raica ni dau vakacegui ira na tikinivolatabu qo. [Wilika Aisea 25:8.] E vakamacalataki ena mekesini qo na yalayala veiuqeti ni iVolatabu, oya ni na muduki o mate kei na nodra vakaturi mera bula tale na wekada lomani.”

### Yadra! Janueri

“Vakacava o vakadinata nira sotava tiko nikua na vuvale e levu na ituvaki dredre? [Waraka me sauma.] E vakamacalataki ena iVolatabu na ka mera cakava na lewe ni vuvale mera tara cake kina nodra vuvale, me dei tale ga kina. [Wilika Vosa Vakaibalebale 24:3.] E levu era raica ni nuitaki na ivakasala vuku e tiko ena iVolatabu. E vakamacalataki ena mekesini qo e dua na Web site vakaivolatabu e rawa ni vuakea na vuvale.”

## iTukutuku ni Vunau

E veivakayaloqaqataki noda kila ni a caka ena dua na vanua vou na soqo ni tikina ena yabaki qo. Ena ika 2-4 ni Okosita, 2013, a caka ena imatai ni gauna na soqo ni tikina ena vosa vakaviti e Lawaqa Park, Sigatoka. E marautaki dina nira papitaiso kina e le 27, ra qai tiko kina e le 1, 344. E marautaki qai yaga vakalevu vei ira kece na gole yani ena soqo na porokaramu vakayalo e vakarautaki.



km13.12-FNFI  
130920